

286

# QVAESTIO MEDICA.

## QVOD LIBETARIIS EXCVTIENDA DISCEPTATIONIBVS IN

SCHOLIS MEDICORVM DIE IOVIS IIII. FEBRVARII D. NICOLAO IABOT DOCTORE  
MEDICO MODERATORE PRVDENTISSIMO.

*An à solo coïu mola?*

**N**ATVRA hominem, quem (licet temperatissimum) in diuino non potuit specie perpetuum redditura, virum & foemina, duo generationis principia, non *παρέρυος*, sed certo edidit instituto. Quos, perfectione pares, temperie officioque distinguit: non solo sexu, sed numero, forma, structura differentibus ad generationem organos inftruxit: vt, pelliceniubus venereæ voluptatis illecebris, (quam diuturniorem mulier, vir maiorem percipit) in mutuum ruerent amplexum; Indéque, si non multiplicem, belluarum instar, perpetuam certè sui sobolem emitterent: Si septimo, nono, decimo, vndecimo mense in lucem prodeat, vitalem: Si octauo, aut infra septimum, mox fatis cessuram crudelibus.

**A**C mulier quidem, semen spiritu turgidum, potestate animatum, solius facultatis animalis operâ emissum, à viro excipit. *Συγερὸν αἰσχυρὰ*, in testibus, merito principibus partibus, excoctum, simul cum viro, aut parua temporis intercapiente, emittit, miscet, occat. Et redacta tandem ab vtero in actum *διμύερυος δύναμις*, terreftre vtriùsque crassamentum, in partes solidas dispelcit. Quæ, duplici calore, humore triplici constituta, per vmbilicales venas duas, à solo sanguine menstruo, tertiæ coctionis excremento, non nisi quantitate peccante, instar plantæ, alimenrum trahunt: vnicâ coctione in propriam substantiam conuertunt. Atque ita, ex embryone animal, ex animali tandem homo rationis capax prodit, aut maiorum, aut alterius, aut vtriùsque parentis imaginem referens.

**A**D perfectam hanc generationem multa concurrunt: vteri optima conformatio, eiusdem semini virili conueniens temperies: vtriùsque seminis, non temperies tantum, sed & iusta quantitas. Quæ si desint, Natura inquieta, quancùnque nacta est materiam, in perfectiorem nobiliorémque formam redigit. Arctiore quidem vteri capacitate, & seminis deficiente copiâ, pomiliones gignit: Eiusdem figurâ vitiatâ, intortos, gibbos, *δευκαρλως*: Sensitius intemperie, imbecillos, morbis obnoxios. Imò, si viri semen, aut crassius vtero adhærescat, aut morbosum & paucillum magna menstruorum copia corripiat, conceptus fit irritus, vteri distensione, *παραγὰς κήρυμα* mentiens: quem molam Medicinæ proceres nuncuparunt.

**N**E c aliud illa est quàm *αἰσχυρὰ ἀργὴ καὶ ἀδύνατος*, non in corpore, sed capacitate vteri genita: membranis obuoluta: coryledonibus adhærens: curetecta: ossibus, intestinis, visceribus, arteriis destituta: venis tantum distincta, quæ sint familiaris alimenti vehicula. Mola concipiendæ mulieres, aut solæ, aut omnium maximè sunt obnoxie: eamque nonnunquam totum triennium gestant in vtero. Crescit illa quidem, non appositione materia, vt metalla, sed vitâ plantæ: donec, extinctis imbecillimis vitæ principiis, aut mulierem nimia molestiâ & labore enecarit, aut magno laborantis solatio foras exciderit.

**E**T quamvis mulier, cæcos veneris stimulos medio iecori infixos gerens, seminis titillante copiâ irriteretur: idque, libidinis impotens, emittat sola (vt *ἐν τοῖς ὀνείρω μοῖσι*) ab omnium corporis partium vltimò alimento deciduum, excoctum, crassum, album, spumofum, ideòque pfolificum: Non tantâ tamen vi efficiente pollet, vt, virili semine castrum, possit, ex sanguine menstruo, prouido naturæ consilio in verum delabente, aliquod opus inchoare: cum & frigidius & humidius sit, quàm vt satis validas vires consequi possit: totumque generationis principium, à semine virili proficiscatur, cui foemineum auxiliares tantum manus adfert: nec nisi coïtu irritatus vterus (quamvis spermatis helluo) concipiendo semini sedulam nauet operam.

*Ergo à solo coïu mola.*

PROPONEBAT FRANCISCVS DISSA VDEAV CASTELLOROTIANVS PICTO. ANNO DOMINI MD. ICIX.

*M. Antonius de Cappe Medicus Regius.  
M. Ioannes Groust.  
M. Simon Pietre Prof. Reg.*

Domini Doctores Disputaturi.  
*M. Ioannes Durer Med. & Prof. Reg.  
M. Georgius Cornuty.  
M. Ioannes le Moyné.*

*M. Henricus Blacnud.  
M. Hugo Prenostean.  
M. Nicolaus Ellain, Decanus.*